



Vogošća, ul. Jošanička, br. 80; tel: 00387 33 586 413, fax: 586 418

Broj: 03-36-881/21
Vogošća, 22.06.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 22.06.2021. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA REKONSTRUKCIJI
I POPRAVCI SPORTSKIH, ŠKOLSKIH I DJEČJIH IGRALIŠTA NA PODRUČJU OPĆINE
VOGOŠĆA**

Član 1.

Ponuda ponuđača "Dinalsa" d.o.o. Sarajevo, ulica Huseina Đoze broj 3. Sarajevo, odabrana je za izvođenje radova na rekonstrukciji i popravci sportskih, školskih i dječjih igrališta na području općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 13.680,70 KM bez uračunatog PDV-a, odnosno 16.006,42 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 21.05.2021. godine donio Odluku o pokretanju Otvorenog postupka nabavke radova na rekonstrukciji i popravci sportskih, školskih i dječjih igrališta na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 24.05.2021. godine pod brojem: 1353-1-3-82-3-66/21. Sažetak Obavještenja o nabavci objavljen je u "Službenom glasniku BiH" broj: 32/21 od 28.05.2021. godine.

Tendersku dokumentaciju sa Portala javnih nabavki BiH je preuzelo 28 (dvadeset i osam) ponuđača.

Krajnji rok za dostavu ponuda bio je 10.06.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 10.06.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-36-881/21 iz maja 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Sela" d.o.o Sarajevo	19.982,44	/	/	23.379,45
2	"Dinalsa" d.o.o Sarajevo	19.312,40	/	/	22.595,51
3	"Babel" d.o.o Sarajevo	17.058,00	/	/	19.957,86
4	"Flex invest" d.o.o Sarajevo	20.000,00	/	/	23.400,00
5	"Ame" d.o.o Breza	19.969,60	/	/	23.364,43

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Babel" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Ponuđač "Babel" d.o.o. Sarajevo je u svojoj Ponudi (strana 4. Ponude) dostavio Ugovor o poslovno tehničkoj saradnji zaključen između ugovornih strana "Babel" d.o.o. Sarajevo i "Mibral" d.o.o. Sarajevo od 09.06.2021. godine.

Komisija za javne nabavke dostavljeni Ugovor o poslovno tehničkoj saradnji između firmi "Babel" d.o.o. Sarajevo i "Mibral" d.o.o. Sarajevo smatra pravno neurednim iz razloga jer član 2. predmetog Ugovora ima elemente Konzorcionalnog ugovora (obje strane su saglasne da lider ugovora bude firma "Babel" d.o.o. Sarajevo), dok se iz samog naslova Ugovora vidi da se radi o Ugovoru o poslovno-tehničkoj saradnji.

Komisija za javne nabavke ne može predmetni ugovor prihvatiti kao pravno ispravan, naročito ako se uzmu u obzir odredbe tačke 7.5.1. TD kojom je propisano na koji način će ugovorni organ vršiti ocjenu ispunjenosti kvalifikacionih uslova od strane grupe ponuđača.

Prethodno citiranom tačkom je propisano da:

- grupa ponuđača kao cjelina mora ispuniti uslove koji su navedeni u tački 7.3.1 tenderske dokumentacije, što znači da grupa ponuđača može kumulativno ispunjavati postavljene uslove i dostaviti dokumentaciju kojom dokazuju ispunjavanje postavljenih uslova;

- uslove koji su navedeni pod tačkom 7.1.1 i 7.2.1 moraju ispunjavati svaki član grupe ponuđača pojedinačno, te svaki od članova grupe ponuđača mora dostaviti dokumentaciju kojom dokazuju ispunjavanje postavljenih uslova, na način na koji su predviđeni da se dostavljaju dokazi.

Dakle, ponuđač je dostavio Ugovor o poslovno tehničkoj saradnji od 09.06.2021. godine sa elementima pravnog akta propisanog tačkom 7.5.2. TD, a koji reguliše udruživanje ponuđača u grupu ponuđača radi učešća u postupku javne nabavke.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Flex invest" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.2.1. TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke.
U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbijede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke, uz napomenu da dokazi koji se dostavljaju moraju biti originalni ili ovjerene kopije.

Ponuđač "Flex invest" d.o.o. Sarajevo je u svojoj Ponudi kao dokaz za obavljanje profesionalne djelatnosti dostavio ovjerenu kopiju Aktuelnog izvoda iz sudskog registra od 09.06.2021. godine.

Komisija za javne nabavke smatra da dostavljena ovjerena kopija Aktuelnog izvoda iz sudskog registra nije ovjerena od strane nadležnog organa na ispravan način. Naime, ovjerena je samo zadnja strana Izvoda, a obzirom da se isti sastoji od više stranica, bilo je potrebno ovjeriti svaku stranicu Izvoda pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

Također, Komisija za javne nabavke smatra problematičnim činjenicu da se priloženi Aktuelni izvod iz sudskog registra sastoji od 12 (dvanaest) stranica, dok je Služba za opću upravu Općine Novo Sarajevo ovjeravajući predmetnu kopiju dokumenta na pečatu ovjere propustila da napiše od koliko stranica se dokument sastoji, što je direktno utjecalo na formalno-pravnu ispravnost dostavljenog dokumenta.

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i:
 - 1 (jedno) lice, SSS ili VŠS metalske struke-III ili V stepen, (KV ili VKV radnik metalske struke,
 - 1 (jednog) NK radnika.

Tačkom 7.4.2. pod b) TD je traženo da se kao dokazi dostave:

- za 1 (jedno) lice, SSS ili VŠS metalske struke-III ili V stepen, (KV ili VKV radnik metalske struke) potrebno je dostaviti Diplomu/Svjedočanstvo o završenoj traženoj stručnoj spremi i dokaz o radnom angažmanu,
- za 1 (jednog) NK radnika potrebno je dostaviti dokaz o radnom angažmanu (za traženu stavku se u obzir uzima i radnik sa većim stepenom stručne spreme).

Ponuđač "Flex invest" d.o.o. Sarajevo je u svojoj Ponudi (strana 47-48 Ponude) dostavio Ugovor o radu na određeno vrijeme, zaključen sa Mirhadom Sinanovićem od 30.04.2021. godine.

Dostavljeni ugovor ima samo prvu i zadnju stranicu (samo član 20. Ugovora).

Komisija za javne nabavke smatra dostavljeni Ugovor pravno neurednim, jer je Ponuđač propustio da dostavi kompletan ugovor, kao i ranije dostavljeni ugovor koji se spominje u članu 20. stav 3. Ugovora.

Također, Ponuđač "Flex invest" d.o.o. Sarajevo je u svojoj Ponudi propustio da dostavi traženi dokaz o radnom angažmanu za jednog NK radnika.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Sela" d.o.o Sarajevo,
- "Dinalsa" d.o.o Sarajevo i
- "Ame" d.o.o. Breza

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH/Potvrde nadležnih entitetskih komora, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20), te će u svrhu poređenja ponuda umanjiti cijene domaćih ponuda za preferencijalni faktor od 30% u postupcima javnih nabavki kod kojih je objavljeno obavještenje o nabavci ili upućen poziv kandidatima/ponuđačima za postupke koji nemaju obavještenje o nabavci u periodu od 01.06.2020. do 01.06.2021. godine.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Tenderskom dokumentacijom-tačkom 9.5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 17.06.2021. godine u 14:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 17.06.2021. godine, Komisija za javne nabavke je sačinila Rang listu u Otvorenom postupku nabavke radova na rekonstrukciji i popravci sportskih, školskih i dječijih igrališta na području općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Dinalsa" d.o.o Sarajevo	13.680,70	16.006,42
2	"Sela" d.o.o Sarajevo	13.700,00	16.029,00
3	"Ame" d.o.o. Breza	18.100,00	21.177,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Dinalsa" d.o.o Sarajevo, za izvođenje radova na rekonstrukciji i popravci sportskih, školskih i dječijih igrališta na području općine Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 13.680,70 KM bez uračunatog PDV-a, odnosno 16.006,42 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Sela" d.o.o. Sarajevo
2. "Dinalsa" d.o.o. Sarajevo
3. "Babel" d.o.o. Sarajevo
4. "Flex invest" d.o.o. Sarajevo
5. "Ame" d.o.o. Breza
6. Nadležnoj Službi
7. U dosije
8. a/a

033/592-005

033/513-674

033/714-481

info@flexinvestdoo.com

032/783-936



OPĆINSKI NAČELNIK

Edin Smajić
Edin Smajić